


OWEN, JOHN (1616 - 1683), diwinydd Piwritanaidd (Annibynnwr)



Enw: John Owen
Dyddiad geni: 1616
Dyddiad marw: 1683
Rhiant: Henry Owen
Rhyw: Gwryw
Galwedigaeth: diwinydd Piwritanaidd (Annibynnwr)
Maes gweithgaredd: Crefydd
Awdur: Robert Thomas Jenkins

'Gyda Baxter a Howe, saif ar flaen y diwinyddion Piwritanaidd'. Ganwyd yn 1616, a bu farw 24 Awst 1683. Adroddir ei yrfa'n llawn yn y *D.N.B.*, ond nid oes a fynno hi ddim â Chymru, ond yn yr ystyr mai ar weithiau diwinyddol John Owen y magwyd cenedlaethau o bregethwyr Calfinaidd enwocaf Cymru. Ond yr oedd gwaed Cymreig ynddo. Mab oedd ef i Henry Owen, ficer Stadhampton (swydd Rhydychen), wŷr felly i Griffith Owen o Dal-y-bont a Pheniarth (Llanegryn, Meirion), a gor-wŷr i'r barwn Lewis Owen. Yr oedd hefyd yn perthyn i Hugh Owen (1639-1700) o Fronclydwr - yn gefnder cyfan i'w fam (gweler J. E. Griffith, *Pedigrees*, 323). Brodiwyd braidd yn ffansiol ar y ffaith hon gan rai a fyn mai dylanwad personol ei 'ewythr' a droes Hugh Owen yn Ymneilltuwr, yn ystod ei breswyl yn Rhydychen. Eithr nid aeth Hugh Owen yno cyn canol 1660, pan oedd John Owen eisoes wedi ymado â'r lle. Nid oes yn wir mo'r praw lleiaf fod unrhyw gyfathrach rhwng y diwinydd mawr a'i deulu yng Nghymru. Eto, yn ddiamau, fe wyddai Ymneilltuwr yng Nghymru am y berthynas - cyfeirir ati gan Henry Maurice.

Awdur

Yr Athro Emeritus Robert Thomas Jenkins, (1881 - 1969)

Delweddau

John Riley, James Caldwell, John Owen D.D.

Edward Scriven, John Owen D.D.

John Whessell, Dr. John Owen

R. Cooper, George Vertue, John Owen

Dolenni Ychwanegol

VIAF: 2480434

Wikidata: Q268474

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/>



Jenkins, R. T., (1953). OWEN, JOHN (1616 - 1683), diwinydd Piwritanaidd (Annibynnwr). *Y Bywgraffiadur Cymreig*. Adferwyd 14 Tac 2024, o <https://bywgraffiadur.cymru/article/c-OWEN-JOH-1616>

Clippwr

Preifatrwydd a Chwcis
Hawffraint
Y Prosiect
Cymorth
Cysylltu

LGC
NLW

LLYFRGEL
THE NATION



Yn ddiwydian
Llywodraeth Cymru
Supported by
Welsh Government